

S. D. N. Innoc. x.

continens

novas illas resolutiones ad fa-  
M. u. B. D. N. Ep. Hago  
Litan.

# REGI DVNERCA RESTITUTA FILIA NATA.

contra

L. E. P. D. Soc. L. u. P. u.  
one canis in quibus  
sat. Publicis oblatz.

noa non

Intimatione ejusd. Reu-  
dis. Gnat. Jesuitas  
van cul respons. pro  
Illis Abrenuntia

Doms yz Fyppat  
21. April 1653.

ia fua Instrum<sup>t</sup>.

D. H. B. u. apud S. Ma-  
vid n. j. lib. annul. P. y.  
hij die 27. maji 1653.  
Pustf. n. anno y.

L. Fualking.



PARISIIS,  
Apud SEBASTIANVM CRAMOISY,  
& SEBAST. MABRE-CRAMOISY,  
regis typographos.

M. DC. LXII.







A D

# R E G E M

## CHRISTIANISSIMVM

Dunkerca recepta.

I.

**C**EPISTI Dunkercam, & emis. *Qua gloria  
major?*

*Hoc est consilii ; roboris illud opus.*

*Bello cepisti : captam, potiente Britanno,*

*Quo parte ex omni libera fiat, emis.*

*Ne pigeat pacti, LODOICE: est emptio felix.*

*Cuius habet magnum venditus ipse lucrum.*

*De populis ne perge tamen sic velle mereri:*

*Hoc orbis pretio gestiet esse tuns.*



A ij

## AD EVNDEM,

in idem argumentum.

## II.

**B**IS capta est, semel emptā, tuis Dunkerca  
metallis:

Et dubites triplici dicere jure tuam?  
Ipsa sui juris facta est quoque: tutior una  
Et melior gaudet religione frui.  
Vincebas reges ferro: cur vincis & auro?  
Tunc tibi vilis erat res tua: cara Dei est.



De eodem argumento.

## III.

**A**SPICE Dunkercam, toties hostilibus armis  
Qua mutat dominos victa subinde novos.  
Sapius una quidem, sed dispare vincitur hoste:  
Ille suam vendit, liberat ille suam.  
O quot passa vices, bellorum prada duorum!  
Quando emitur demum, redditur ipsa sibi.



AD ROMAM,  
in idem argumentum.

IV.

**T**RADI urbem inuisis doluisti, Roma, Bri-  
tannis,

*Et rea iudicio est Gallia facta tuo.*

*Nequicquam: sat erat pietati fœdere cautum:*

*Salua fides, dominis talibus, omnis erat.*

*Nunc, quoniam multo Dunkerca rependitur auro,*

*Et domino mutat sub potiore iugum:*

*Roma, vide quid agas, quæ sit constantia factis,*

*Quæ tua vox, animi quis tibi sensus erit.*

*Si non continuo festos accenderis ignes,*

*Vicerit & medium multa lucerna diem;*

*Si non Gallorum regi grataberis: & nunc*

*Inuidia est, verus nec fuit ante dolor.*

*Sed neque te liuor tangit, vereque dolabas:*

*Mater es, & nati gloria tota, tua est.*





AD CHRISTIANISS. REGEM,  
filio jam & filia auctum.

V.

**O** bene rex auctus prima, bene prole secunda,  
Quem vocet, ut gnatus, sic quoque gnata,  
patrem.

*Sola mares solos agnoscit Gallia reges:  
Sceptrum etiam Hispano femina more tener.  
Qui Gallis jam regnet, habes. Qua regnet Iberis,  
Cum mulier possit, nata puella tibi est.*



AD EVNDEM,  
in idem argumentum.

VI.

**Q**VI regni est, LODOICE, puer successor  
& heres,

*Non tibi, sed populis nascitur ille tuis.  
Lenta, quietis amans, blanda, & formosa puella  
Vix patris est: matri nascitur illa sua.  
Fallor ego: hic patri natus tibi partus uterque.  
Mas artes belli; femina pacis alet. [nam  
Nempe Minerua soror Martem, fraterq; Miner-  
Mars juvat: hic patrem jactat, & illa, Iovem.*

